

Međunarodni krivični sud za bivšu Jugoslaviju – MKSJ (Haški tribunal)

Predmet, broj, imena i činovi osuđenih za zločine u Srebrenici u julu 1995. godine. Žutom bojom su naglašena imena osuđenih za genocid.	Opis slučaja i link na presude
<u>I “POLJOPRIVREDNO DOBRO U PILICI”</u> <u>Dražen Erdemović (IT-96-22)</u> 1. Dražen Erdemović, vojnik 10. diverzantskog odreda Vojske republike Srpske (VRS)	https://www.icty.org/x/cases/erdemovic/tjug/bcs/erd-tj980305b.pdf Pretnosno vijeće je 5. marta 1998. godine, u ponovljenom postupku, donijelo presudu na osnovu priznanja kojom je Dražen Erdemović pravosnažno osuđen na 5 godina zatvora zbog ubistva kao kršenja zakona i običaja ratovanja. Dana 13. avgusta 1999. godine odobreno mu je prijevremeno puštanje na slobodu.
<u>II Radislav Krstić (IT-98-33)</u> 2. Radislav Krstić, načelnik štaba/zamjenik komandanta i komandant Drinskog korpusa VRS	https://www.icty.org/x/cases/krstic/acjug/bcs/krs-aj040419b.pdf Radislav Krstić je prva osoba koju je MKSJ osudio za genocid. Žalbeno vijeće je 19. aprila 2004. godine donijelo presudu kojom je Radislav Krstić pravosnažno osuđen na 35 godina zatvora za pomaganje i podržavanje genocida, pomaganje i podržavanje u istrebljivanju i progonu kao zločinima protiv čovječnosti, pomaganje i podržavanje ubistva kao kršenja zakona i običaja ratovanja, učešće u ubistvu kao kršenju zakona i običaja ratovanja i progonu. Trenutno izdržava kaznu u Poljskoj, a dvije trećine kazne će izdržati 28. marta 2022. godine kada bi mogao podnijeti zahtjev za prijevremeno puštanje na slobodu.
<u>III “SREBRENICA” Dragan Obrenović (IT-02-60/2)</u> 3. Dragan Obrenović, načelnik štaba i zamjenik komandanta 1. Zvorničke pješadijske brigade Drinskog korpusa VRS i vršilac dužnosti komandanta Zvorničke pješadijske brigade VRS	https://www.icty.org/x/cases/obrenovic/tjug/bcs/obr-sj031210b.pdf Pretnosno vijeće je 10. decembra 2003. godine donijelo presudu na osnovu priznanja kojom je Dragan Obrenović pravosnažno osuđen na 17 godina zatvora za progon na političkoj, rasnoj ili vjerskoj osnovi kao zločin protiv čovječnosti. Dana 21. septembra 2011. godine odobreno mu je prijevremeno puštanje na slobodu.
<u>IV “SREBRENICA” Momir Nikolić (IT-02-60/1)</u> 4. Momir Nikolić, pomoćnik komandanta za bezbjednost i	https://www.icty.org/x/cases/nikolic/acjug/bcs/060308.pdf Žalbeno vijeće je 8. marta 2006. godine donijelo presudu na osnovu priznanja kojom je Momir Nikolić pravosnažno osuđen na 20 godina zatvora za progon na

obavještajne poslove Bratunačke brigade VRS	političkoj, rasnoj ili vjerskoj osnovi kao zločin protiv čovječnosti. Dana 1. jula 2014. godine odobreno mu je prijevremeno puštanje na slobodu iz zatvora u Finskoj.
<u>V Blagojević i Jokić (IT-02-60)</u> 5. Vidoje Blagojević, komandant Bratunačke brigade VRS; 6. Dragan Jokić, načelnik inženjerije Zvorničke brigade VRS	https://www.icty.org/x/cases/blagojevic_jokic/acjug/bcs/070509.pdf Žalbeno vijeće je 9. maja 2007. godine donijelo presudu kojom je Vidoje Blagojević pravosnažno osuđen na 15 godina zatvora za pomaganje i podržavanje ubistva kao zločina protiv čovječnosti, ubistva kao kršenja zakona i običaja ratovanja, progona kao zločina protiv čovječnosti i nehumanih djela (prisilno premještanje) kao zločina protiv čovječnosti. Istom presudom je Dragan Jokić pravosnažno osuđen na 9 godina zatvora za pomaganje i podržavanje istrebljivanja kao zločina protiv čovječnosti, ubistva kao kršenja zakona i običaja ratovanja i progona kao zločina protiv čovječnosti. Dana 22. decembra 2012. Blagojeviću je odobreno prijevremeno puštanje na slobodu iz zatvora u Norveškoj, a sredinom februara 2010. i Jokiću.
<u>VI "SREBRENICA" Popović i drugi (IT-05-88)</u> 7. Vujadin Popović, potpukovnik i pomoćnik načelnika za bezbjednost u Drinskom korpusu VRS; 8. Ljubiša Beara, načelnik za bezbjednost glavnog štaba VRS; 9. Drago Nikolić, potporučnik i načelnik bezbjednosti u Zvorničkoj brigadi VRS; 10. Radivoje Miletić, načelnik Odjeljenja za operativno-nastavne poslove Glavnog štaba VRS; 11. Vinko Pandurević, potpukovnik i komandant Zvorničke brigade Drinskog korpusa VRS; 12. Ljubomir Borovčanin, zamjenik komandanta specijalne brigade policije Ministarstva unutrašnjih poslova (MUP) Republike Srpske i komandant združenih snaga jedinica MUP-a podređenih Drinskom	https://www.icty.org/x/cases/popovic/acjug/bcs/150130.pdf Žalbeno vijeće je 30. januara 2015. godine donijelo presudu kojom je Vujadin Popović pravosnažno osuđen na doživotnu kaznu zatvora za genocid, udruživanje radi vršenja genocida, istrebljivanje kao zločina protiv čovječnosti, ubistvo kao kršenje zakona i običaja ratovanja i progon kao zločina protiv čovječnosti, Ljubiša Beara na doživotnu kaznu zatvora za genocid, udruživanje radi vršenja genocida, istrebljivanje kao zločin protiv čovječnosti, ubistvo kao kršenje zakona i običaja ratovanja i progon kao zločin protiv čovječnosti, Drago Nikolić na 35 godina zatvora za pomaganje i podržavanje genocida, za istrebljivanje kao zločin protiv čovječnosti, ubistvo kao kršenje zakona i običaja ratovanja i progon kao zločin protiv čovječnosti, Radivoje Miletić na 18 godina zatvora za ubistvo kao zločin protiv čovječnosti, progon kao zločin protiv čovječnosti, nehumana djela (prisilno premještanje) kao zločin protiv čovječnosti i ubistvo kao kršenje zakona i običaja ratovanja, Vinko Pandurević na 13 godina zatvora za pomaganje i podržavanje istrebljivanja kao zločina protiv čovječnosti, ubistva kao kršenja zakona ili običaja ratovanja i progona putem ubistva kao zločina protiv čovječnosti, progona kao zločina protiv čovječnosti, nehumanih djela (prisilno premještanje) i ubistva kao zločina protiv čovječnosti, za progon putem okrutnog i nečovječnog postupanja kao zločin protiv čovječnosti i progon putem ubistva kao zločina protiv čovječnosti, za istrebljivanje kao zločin protiv čovječnosti i ubistvo kao kršenje zakona i običaja ratovanja. Ljubomir Borovčanin je pravosnažno osuđen na 17 godina zatvora presudom Pretresnog vijeća 10. juna 2010. godine, na koju nije uložena žalba, i to za pomaganje i podržavanje istrebljivanja kao zločina protiv čovječnosti, ubistva kao kršenja zakona i običaja ratovanja i nehumanih djela (prisilno premještanje) kao zločina protiv čovječnosti i kao nadređeni za ubistvo kao kršenje zakona i

korpusu VRS-a za učešće u srebreničkoj operaciji; 13. Milan Gvero, pomoćnik komandanta za moral, pravna i vjerska pitanja Glavnog štaba VRS-a	običaja ratovanja i ubistvo kao zločin protiv čovječnosti. Takođe, istom presudom Pretresnog vijeća Milan Gvero je pravosnažno osuđen na 5 godina zatvora za progon kao zločin protiv čovječnosti i za nehumana djela (prisilno premještanje) kao zločin protiv čovječnosti. Vujadin Popović trenutno izdržava kaznu u Njemačkoj, a 31. decembra 2020. godine je Međunarodni mehanizam za krivične sudove odbio njegov zahtjev za prijevremeno puštanje na slobodu. Radivoje Miletić trenutno izdržava kaznu u Finskoj, a u oktobru 2018. godine sud je odbio njegov zahtjev za prijevremeno puštanje na slobodu. Ljubiša Beara je preminuo 10. februara 2017. godine u zatvoru u Njemačkoj, Drago Nikolić je preminuo 11. oktobra 2015. godine tokom privremenog boravka na slobodi u Srbiji, a Milan Gvero 17. februara 2013. godine, nakon što mu je odobreno prijevremeno puštanje na slobodu 28. juna 2010. godine. Vinku Pandureviću je odobreno prijevremeno puštanje na slobodu 9. aprila 2015. godine, a Ljubomiru Borovčaninu 14. jula 2016. godine.
<u>VII Zdravko Tolimir (IT-05-88/2)</u> 14. Zdravko Tolimir, pomoćnik komandanta za obavještajno-bezbjedonosne poslove Glavnog štaba VRS	https://www.icty.org/x/cases/tolimir/acjug/bcs/150408.pdf Žalbeno vijeće je 8. aprila 2015. godine donijelo presudu kojom je Zdravko Tolimir pravosnažno osuđen na doživotnu kaznu zatvora za genocid, udruživanje radi vršenja genocida, istrebljivanje kao zločin protiv čovječnosti, ubistvo kao kršenje zakona i običaja ratovanja, progon kao zločin protiv čovječnosti i nehumana djela (prisilno premještanje) kao zločin protiv čovječnosti. Zdravko Tolimir je preminuo 8. februara 2016. godine dok je čekao prebacivanje u državu u kojoj je trebalo da izdrži kaznu zatvora.
<u>VIII Radovan Karadžić (IT-95-5/18) i MICT-13-55</u> 15. Radovan Karadžić, osnivač i predsjednik Srpske demokratske stranke (SDS), predsjedavajući Savjeta za nacionalnu bezbjednost takozvane Srpske Republike Bosne i Hercegovine (kasnije Republike Srpske "RS"); predsjednik tročlanog Predsjedništva RS-a i konačno predsjednik Republike Srpske	https://documentcloud.adobe.com/link/review?uri=urn:aaid:scds:US:d17e474c-9bf9-4d7e-ae9d-f734f4931876#pageNum=1 Žalbeno vijeće je 20. marta 2019. godine, u ponovljenom postupku po žalbi, donijelo presudu kojom je Radovan Karadžić pravosnažno osuđen na doživotnu kaznu zatvora za genocid, progon kao zločin protiv čovječnosti, istrebljivanje kao zločin protiv čovječnosti, ubistvo kao zločin protiv čovječnosti, ubistvo kao kršenja zakona i običaja ratovanja, deportaciju kao zločin protiv čovječnosti, nehumana djela (prisilno premještanje) kao zločin protiv čovječnosti, širenje terora kao kršenje zakona, protivpravne napade na civile kao kršenje zakona i običaja ratovanje i uzimanje talaca kao kršenje zakona i običaja ratovanja. Trenutno se nalazi na izdržavanju kazne u Velikoj Britaniji.

IX Ratko Mladić (IT-09-92) i (MICT-13-56) 16. Ratko Mladić, general-pukovnik, komandant Glavnog štaba VRS	https://www.irmct.org/sites/default/files/case_documents/210608-sazetak-presude-mladic-13-56.pdf Pretresno vijeće je 22. novembra 2017. godine donijelo presudu kojom je Ratko Mladić osuđen na doživotnu kaznu zatvora za genocid, progon kao zločin protiv čovječnosti, istrebljivanje kao zločin protiv čovječnosti, ubistvo kao zločin protiv čovječnosti, ubistvo kao kršenje zakona i običaja ratovanja, deportaciju kao zločin protiv čovječnosti, nehumano djelo (prisilno premještanje) kao zločin protiv čovječnosti, terorisanje kao kršenje zakona i običaja ratovanja, protivpravne napade na civile kao kršenja zakona i običaja ratovanje i uzimanje talaca kao kršenje zakona i običaja ratovanja. U toku je postupak po žalbi. Presudu je potvrdilo Žalbno vijeće Rezidualnog mehanizma za međunarodne krivične sudove 8. juna 2021. godine. Trenutno se nalazi u pritvorskoj jedinici u Hagu u kojoj će ostati do premještaja u zatvor neke od zemalja članica UN koje su potpisale sporazum o obezbjeđivanju izdržavanja kazni sa Haškim tribunalom.
---	---

Međunarodni sud pravde

Predmet	Opis slučaja i link na presudu
1. BOSNA I HERCEGOVINA protiv SRBIJE I CRNE GORE (Međunarodni sud pravde [2007] ICJ 2)	https://www.icj-cij.org/public/files/case-related/91/091-20070226-JUD-01-00-EN.pdf U pogledu Crne Gore, kako je sukcesor pravnog subjektiviteta državne zajednice Srbije i Crne Gore isključivo Republika Srbija i kako BiH nije istakla i Crnu Goru kao stranku u ovom slučaju u pismu sudu od 16. oktobra 2006. godine, već je samo naglasila solidarnu odgovornost Srbije i Crne Gore, Međunarodni sud pravde (MSP) je zaključio da se od tog datuma Srbija uzima kao jedina tužena u predmetu i da će svi nalazi koje Sud bude donio u izreci presude biti upućeni Srbiji. Srbija je prva država koja je po ocjeni MSP prekršila Konvenciju o spriječavanju i kažnjavanju zločina genocida. MSP je u presudi od 26. februara 2007. godine zaključio da: - Srbija nije počinila genocid preko svojih organa ili lica čije radnje povlače odgovornost po običajnom međunarodnom pravu; - da Srbija nije podstrekavala niti podsticala izvršenje genocida; - da Srbija nije bila saučesnik u genocidu; - da je Srbija prekršila obavezu da spriječi genocid; - da je Srbija prekršila Konvenciju o spriječavanju i kažnjavanju zločina genocida jer nije uspjela da isporuči Ratka Mladića,

	optuženog za zločin genocida od strane Haškog tribunala i nije u potpunosti sarađivala sa tribunalom; - da je Srbija prekršila svoju obavezu da se pridržava privremenih mjera koje je Sud naložio 8. aprila i 13. septembra 1993. u ovom slučaju, utoliko što nije uspjela da preduzme sve mjere u svojoj moći da spriječi genocid u Srebrenici u julu 1995; - da Srbija odmah preduzme djelotvorne korake kako bi osigurala potpunu usklađenost sa obavezama koje proizilaze iz Konvencije, kao i da isporuči sve optužene za genocid ili za druge međunarodne zločine Haškom tribunalu i da sarađuje sa tim tribunalom.
--	--